



18. februar 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit piniarnermut allagartat pillugit:

1. Naalakkersuisunut nassuiaqquneqarpoq inuutissarsiutigalugu piniartunut pinaluttartunullu piniarnermut allagartamik tunniussinermi suut tunngavigineqartarnersut ilanngullugit malittarisassanut tunngatillugu nunap immikkoortuini assigiinngitsuni malittarisassat assigiinngissuteqarnersut. Nassuiaammuat aamma ilannguteqquneqarpoq naggataatigut kiap aalajangertarneraa piniarnermut allagartaq tunniunneqassanersoq tunniunneqassannginnorsorluunniit.

2. Qanoq iliorlutik Naalakkersuisut nakkutigisarpaat inuutissarsiutigalugu piniartunut pinaluttartunullu piniarnermut allagartamik tunniussinermi malittarisassat tamarmik malinneqarsimanersut?

3. Naalakkersuisut ilisimasaqarfiginerlugu sulianut ingerlasunut atatillugu inuit qassit piniarnermut allagartamik qinnuteqarnerminni itigartinneqarsimanertik pissutigalugu naammagittaalliorsimanersut? Taamaassimappallu;

a. suliat qassiunersut

b. suliallu nunap immikkoortuinut qanoq agguarsimanersut?

(Inatsisartunut ilaasortaqaq Andreas Uldum, Demokraatit)

Tunngavilersuut:

Demokraatinut pingaaruteqarpoq nunami maani innuttaasut tamarmik assigiimmik pineqarnissaat aamma malittarisassat atuuttut naapertorlugit. Sualummik kulturitsinnut pingaaruteqarluinnartup, piniarnerup iluani.

Ajoraluartumik akulikittumik tusartualerparput inuit immikkoortinneqarsimasutut misigisimasut, inuutissarsiutigalugu piniartunut pinaluttartunullu piniarnermut allagartamik tunniussisoqassatillugu.

Demokraatini inissamiissoraarput Naalakkersuisut nassuiateqarfigissagaat malittarisassat atuuttut taakkulu aqunneqarneri, qularnaarumallugu, innuttaasut assigiimmik sullinneqarnissaat aamma malittarisassat tamanut assigiimmik atortinneqarnissaat.

Apeqqutit akeqquneqarput ullut suliffiit naliginnaat qulit iluanni.